

# Bakuna kontra Corona



## Kiko ta un bakuna kontra Corona?

Un bakuna kontra Corona ta protehá bo kontra e vírùs di Corona. Bo ta haña e bakuna via un angua den e parti ariba di bo brasa. Despues ku bo a haña e bakuna, e chèns ta ménos grandi ku bo ta bira malu di e vírùs.

## Kiko ta pasa den bo kurpa?

Dor di e bakuna bo kurpa ta traha antikurpa kontra e vírùs. Esakinan ta pone ku bo kurpa ta rekonosé e vírùs despues di e bakunashon. Bo kurpa por eliminá e vírùs lihé e ora ei. Sea bo no ta bira malu òf bo no ta bira hopi malu.

Ainda no ta konosí pa kuantu tempu e bakuna ta protehá bo kontra Corona.

## E ta seif?

A traha e bakunanán akí mas lihé ku sa traha otro bakuna. Pasobra hopi hende rònt mundu a traha huntu riba un bakuna. No a salta ningun stap. No ta posibel tampoko, pasobra e reglanan pa traha un bakuna ta mashá strikto. Ora e bakunanán a keda kla, a tèst nan.

E organisashon europeo EMA a aprobá e bakunanán. E organisashon hulanes CBG ta forma parti di esaki.

## Efekto sekundario

Meskos ku ta e kaso serka tur otro bakuna, bo por haña keho despues di e bakuna akí tambe. Esei yama efekto sekundario.



Bo por sinti por ehèmpel:

- doló kaminda a pasa e angua
- doló di kabes
- kansansio
- doló di múskulo
- keintura

E kehonan akí por dura den mayoria kaso 1 pa 3 dia.

Aki algun aña nos ta sa sigur, pero e chèns ta mashá chikitu ku bo ta haña otro keho despues.

Si bo tin hopi keho despues di e bakunashon, yama bo dòkter di kas.



### **Pa ken e bakuna ta?**

Na Hulanda tur hende riba 18 aña ta haña un invitashon pa tuma bakuna.

No ta posibel pa bakuná tur hende pareu.

Ora ta bo bûrt, bo ta haña un karta na kas ku e invitashon.

Tin diferente bakuna.

Bo no por skohe kua bo ta haña.

### **Ki ora bo no ta haña bakuna?**

Yama bo dòkter di kas si:

- anteriormente bo tabatin un reakshon alérgiko despues di un bakuna
- despues di e promé angua bo tabatin un reakshon alérgiko hopi fuerte

Ta mihó pa bo posponé bo bakunashon i traha un sita nobo si:

- bo ta hopi malu e dia di bakunashon
- bo tin keintura di 38 grado òf mas haltu
- bo tin Corona
- bo tin síntoma komun relashoná ku Corona
- bo a hasi un tèst di Corona i bo no a haña e resultado ainda
- bo tabata den kontakto ku un hende ku Corona

### **Na estado**

Bo ta na estado? E ora ei ta mihó pa bo posponé e bakunashon te despues di bo embaraso.

Bo tin un malesa ku por pone bo bira hopi malu di Corona, e ora ei por ta mihó pa tuma e bakuna tòg. Yama bo dòkter di kas pa informá kiko ta e mihó kos pa bo hasi.

### **Despues di bakunashon**

Despues di bakunashon bo tin ku sigui tene bo na regla i konseho general manera laba man i mantené distansia.

Si bo haña síntoma di Corona tòg, bai laga hasi un tèst.

No ta konosí si despues di bakunashon bo por pega otro hende ku e vírùs. I tin chèns ku bo por bira malu di e vírùs tòg.



## **Si bo tin otro pregunta tokante Corona-vírùs:**

Yama **0800-1351**